



ილიას სახელმწიფო უნივერსიტეტი



საქართველოს პარლამენტის  
ქრონიკული ბიბლიოთეკა

ნიკოლოზ გულაბერიძე

გალობანი სუეტისა  
ცხოველისანი

ნიკოლოზ გულაბერიძე  
გალობანი სუეტისა ცხოველისანი

გალობანი სუეტისა ცხოველისანი

აღაღე პირი ჩიმი და აღივს[ე]ნ იგი მადლითა, რათა აღმოვთქუა სიტყუად, სიტყუაო მამისაო, მხოლოდ შობილო, ჯეროვანი და ღირსი, შესხმად საყდრისა შენისა და სუეტისა ცხოველისა!

შემოკერბით კრებულნო, სულიერნო მორწმუნეთა ერნო, და ქებით უგალობდეთ დღესასწაულსა ამას, ყოვლად წმიდისა საყდრისა მადლისასა, და სუეტსა ყოვლად წმიდასა ვადიდებდეთ და თაყუანის-ვცემდეთ! სუეტო ყოვლად წმიდაო, ნათელო და ბრწყინვალეო, და მზეო დაუვალო, რომელი ჰნათობ სულსა და გონებასა შინა მორწმუნეთასა, რომელნი აღვიარებთ სასოდ და სარწმუნოებით თაყუანის-გცემთ! ცათა მობაძავსა საყდარსა, რომელსა საშუალ საშოსა სუეტი უპყრიეს ძუძუდ, და - უშურველად წარმოგვცენებს მიჰრონსა წმიდასა სახედ სძისა, ამას უგალობდეთ და ვადიდებდეთ! სუეტო ბრწყინვალეო და ნათელო, ნათლითა შენითა შეგუზღუდენ შვილნი შენნი, რომელნიცა გარემოდგომით უთხრობთ გალობასა და შესხმასა საღმრთოსა შუენიერებისასა! ეჰა გოდოლი სანატრელი, რომელსა გარეშეუცავს ნათელი და ბრწყინვალეა დაუფარავი ნივთთაგან სიბრძნით და ღმრთივ-შუენიერად ნამუშაკევი ძისა ღმრთისა! დედა იგი სანატრელი, რომელსა ქრისტემან ღმერთმან მიანიჭა მოციქულებად და ღირს იქმნა უხილავსა სუეტისა ამაღლებასა საკვრველსა და კუალად შთამოსლვასა!

ჟ სანატრელო სუეტო, უცხოდ ხილულო წმიდისა დედაკაცისაგან, ზეცისა ჰაერთა ამაღლებულო და კუალად ღმრთის მოწყალებითა მოწევნით ჩუენ თანა გებულო! სუეტად ნათლისად ყოვლად ბრწყინვალედ ქადაგებულო და მოსწავებულო წმიდათა მამათა და წინაღწარმეტყუელთაგან დედოფალო წმიდაო, ღმრთისა დედაო, მეოხ გუეყავ ჩუენ! შენ ხარ სუეტი ნათელი ნათლისაგანი, რომელი ელვებრ ჰკრთებოდა იორდანეს და თაბორს მწამებელად ძესა ღმრთისასა! სახედ შენდა ნათლისა სუეტი გამოაჩინა, ნათლისა სუეტო ქალწულო, შენგან ტვრთულმან ღმერთმან.

ამის[თვს] თაყუანის-გცემთ შენ მის თანა! ძუელნი და მამულნი იგი სჯულნი და ბომონთა ნაგებნი შეგუეცვალნეს საკვრველად და მათ წილ მოგაქუს წმიდაჲ საყდარი და მიჰრონი და სუეტი ცხოველი სასოდ ჩუენდა!ეჰა საღმრთო შეცვალეზაჲ ესე, საყდარი არმაზის წილ და მიჰრონი ნაგებთა წილ, ხოლო ბომონთა - სუეტი წმიდაჲ ცხოველი მოგუანიჰა ძემან ღმრთისამან!ქუეყანით ზეცას მიწეენილო და ზეცას დამკვდრებულო, ხოლო ჩუენ თანა მარადის მყოფო სუეტო ცხოველო, დედოფალო წმიდაო, მეოხ გუეყავ მოსავთა შენთა!

ზეშთა მბრძოლისა ჩემისათვს და შემწისა უძლეველისა,სუეტისა წმიდისა და ღმრთივ-ბრწყინვალისა, რომელი ნათობს საუფლოსა და ზეგარდამო ქსოილსა კუართსა ზედა და ელვრებრ აკრთობს ცათა მოზაძავსა საყდარსა და მგალობელთა და მედღესასწაულეთა თვსთა განაშუენებს და ცისკროის, და სიხარულთა მრჩობლთა მიანიჰებს რომელნი ქებასა შეასხმენ, გიხაროდენ სუეტო ცხოველო!აჰა ესერა შემოკერბით დღესასწაულსა ამას წმიდასა საუფლოსა კიდენი ქუეყანისანი და ანგელოზნი კაცთა თანა, ყოველნი ერთბამად შეერთებითა სულისაჲთა, წინაღსწარმეტყუელნი და მამათ-მთავარნი, მოციქულნი, მოწამენი და მღდელთ-მოძღუარნი, მამათა და ქალწულთა მწყობრნი, მოისწრაფეთ ყოველთა და მოიფრინვეთ, ძნობდით, ჳმობდით და ღაღადებდით, სცემდი ქნარსა წინაღსწარმეტყუელო და ყოველნი წმიდანო, წერილნი განჰჳსნენით ქებისა შესხმად სუეტისა ცხოველისა და იტყოდით: ”გიხაროდენ სუეტო

წმიდაო და ცხოველო, რამეთუ კუართსა ზედა საღმრთოსა ჰცისკროი! გიხაროდენ სუეტო განმანათლებლო ცისკიდეთაო, რომელი ანაყოფებ სულთა უკუდავებითა! გიხაროდენ სუეტო სანატრელო, რომელი სამარადისოდ ბრწყინვალითა თუალითა უჰჳრობ წმიდასა კუართსა! გიხაროდენ, რომელი ჰკრთები ელვის სახედ, და წმიდა[სა] მიჰრონსა უწყაროებ მორწმუნეთა! გიხაროდენ სუეტო საღმრთოო მგემებელო სიტკბოებასა სულთასა! გიხაროდენ სუეტო თანამზრახველო და მესაიდუმლეო დიდისა ღმრთისმეტყუელისა მოსესო! გიხაროდენ

წინამძღუარო და თანამოგზაურო ისრაელთაო! გიხაროდენ ახლისა სჯულისა მოსწავებაო, თაბორს და იორდანეს მსახურ ქმნილო ძისა ღმრთისაო! გიხაროდენ ნათელი ნათლისა მწამებელი ძედი საყუარელად! გიხაროდენ მამათა მოღუაწეთა უდაბნოდათა და წმიდათა მოწამეთა სასოებაო, ჟამად-ჟამად სახილავო ბრწყინვალეო!

გიხაროდენ მზებრთა ოქროს სახეთა შუქთა გულსა მორწმუნეთასა ისრებრ მსროლელო! გიხაროდენ სიონს მოციქულთა ზედა ათორმეტ ნაწილად ენად ცეცხლისად გარდამოელვებულო! გიხაროდენ უფროდად ყოვლად წმიდისა ღმრთისმშობლისა მსახეებელო, ქუეყანით აღმოცენებულისა და ზეცას აღმწუერვალეებულისა, რომელმან ღმერთსა შეგუაერთნა. გიხაროდენ სუეტო ცხოველო!

ანგელოზებრ ზემთ ბრწყინვალედ და ზენათა მიერ ძალთა ქებით ძნობილად, ხოლო ყოვლისა მკვდროანისა მამზებელად სასწაულთა მიერ მხილველნი და მეცნიერ ქმნილნი განკვრვებით მდგომარენი ვლადებთ შენდამი, მეტყუელნი ესევითართთა: გიხაროდენ, რომლისა ბრწყინვალეებითა ნათობს ცისქუემე! გიხაროდენ, რომლისა საკვრვლებითა ელავს სოფელი! გიხაროდენ მზეო დაუვალო ყოვლად ბრწყინვალეო! გიხაროდენ ნათელო, ნათელთა მძლეო ელვარებითა! გიხაროდენ, რამეთუ წმიდასა ზედა და ნეტარსა ჰსცისკროი კუართსა! გიხაროდენ, რამეთუ ელვებრ აკრთობ საყდარსა ძისა ღმრთისასა! გიხაროდენ მოკლებულისა სარწმუნოებისა განახლებაო! გიხაროდენ, კერპთა ვიდრემე სიბოროტისა წარმწყმედელო, ხოლო ჭემმარიტისა სარწმუნოებისა აღმომაჩინებელო! გიხაროდენ, რომელმან ნათელშეცვულ ჰყვენ მკვდროვანნი! გიხაროდენ, რომელმან მოსრენ ძენი აგარისნი უსჯულონი და აღადგინე რქად მაცხოვარებისად! გიხაროდენ, წინამბრძოლო უძლეველო ქრისტეანეთაო, ღმრთისა კაცთა დამაგებელო! გიხაროდენ, მომგებელო ერად საზეპუროდ ნათესავად წმიდად სამეუფოდ! გიხაროდენ, რომლისა მიერ თაყუანის-ცემენ დამზადებელსა! გიხაროდენ სუეტო ცხოველო!

ეჰა საღმრთოდ სიხარული! ეჰა დღესასწაული უფროდ[ს] სადიდებელი! ჟ

რაბამი სიტკბოებად, სულისა უკუდავ მყოფელი, რამეთუ სამებისა წმიდისა გამოხატველთა საყდარსა ღმრთისასა, სუეტსა ნათლისასა, და კუართსა წმიდასა საუფლოსა, ერი მორწმუნეთა უგალობს და ქებასა შეასხამს, რომელსა ანგელოზნიცა ძნობით უპირობენ! გიხაროდენ, საყდარო ღმრთისა მაღლისაო! გიხაროდენ კუართო, ნათლისა შემცველო! გიხაროდენ სუეტო ცხოველო! საჭმილსა შინა ჯოჯოხეთისასა პირველ მიმავალნი ღმრთისა მოწყალებათაგან გამოკსნილნი ვდაღადებდეთ და ვიტყოდეთ: კურთხეულ ხარ შენ უფალო! არმაზისა ბომონსა პირველ ყრმანი დაიკლოდეს და ტიროდეს, ხოლო აწ სუეტსა წინაშე, ემბაზსა შინა, ნათელ იღებენ და ღაღადებენ, კურთხეულ ხარ [შენ უფალო]!

გიხაროდენ შენ, ღმრთისმშობელო ქალწულო უბიწოო! სუეტო, სიმტკიცეო ჩუენო! ელვის სახედ განმანათლებელო და განმაბრწყინვებელო სულისა, გულისა და გონებისა ჩუენისა!

მკსნელო ყოველთაო, ძლიერო ღმერთო! გაქებთ და გადიდებთ, რომელმან ღირს გ[უ]ყვენ ამის წმიდასა დღესასწაულსა მოწევნად და მხიარულ ყოფად სულთა და გონებათა ჩუენთა! გიხაროდენ სუეტო, რამეთუ ჳორცთა სცავ განსაცდელთაგან, ხოლო სულსა ნათელსა საცნაურ ჳყოფ ემბაზისა და მიჳრონისა მიერ, და ჩუენ დაუცხრომელად თაყუანის-გცემთ! გიხაროდენ სუეტო, რამეთუ ელვებრ ჳბრწყინავ შორის ცისა და ქუყანისა, და სიყუარულისა მიერ შეგიკრვან და შეგიერთებიან ჳეცისა და ქუყეყანისანი! ლოდი ნათლისაო, უჳელოდ დამოკიდებული ჳაერთა, უხილავად მდგომარე არს და ანგელოზნი კაცთა თანა უგალობენ დაუდუმებელად: დიდებად სუეტსა სასოსა ჩუენსა! საყოფელო სახლო წმიდაო დიდებისა ღმრთისაო, ეჳა დიდად შუენიერებასა სიწმიდისა შენისასა, რამეთუ სუეტი შენითურთ გუახარებს შვილთა თჳსთა და გუფარავს!

სუეტო ჩუენო და ნათელო, დედაო ძისა ღმრთისაო! რომელმან ძუძუთა თჳსთა მიერ იესუ ღმერთი აგემე, ეგრე სახედვე სუეტისა მიერ მიჳრონსა ჩუენცა გუაგემე შენ!